



Claudii Fleurii Abbatis Historia Ecclesiastica

Ab anno Christi 1624. usque ad annum 1627

Fleury, Claude

August. Vind. [u.a.], 1778

VD18 90118863

§. 109. Sibrandus Lubertus, Abrahamus Scultetus, alique ex A catholicis
Scriptoribus hoc anno defuncti.

[urn:nbn:de:hbz:466:1-67369](https://nbn-resolving.org/urn:nbn:de:hbz:466:1-67369)

Guiljelmi Mantuæ Ducis Theologus, Sæc. XVII.
 ac Doctor, qui Apostolici Palatii Con- A.C. 1625.
 cionator edidit præclaros sermones in
 Evangelii verba, & Sanctos: Scripsit
 quoque stylo oratorio tractatum, quo
 hæreticos e Valle Telina armis ejicere,
 sanctum æquumque esse comprobabat,
 præter aliam orationem de fide Chri-
 stiana, ob quam militum nonnulli pu-
 blice hæresin suam ejurarunt: Exstant
 quoque variis typis excusa plusquam
 triginta ipsius opuscula partim Histo-
 rica partim Exegetica, Philosophica,
 & pœtica. Alter erat Blasius de
 Farias patria Lusitanus ex nobili ge-
 nere ortus, qui eruditum conscripsit
 tractatum *de cæremoniis Missæ*, præter
Sancti Brunonis vitam, & *brevem latinæ*
linguæ artem &c. Obiit Evoræ die quin-
 ta Aprilis.

§. CIX.

Sibrandus Lubertus, Abrahamus
Scultetus, alique ex A catholicis
Scriptoribus hoc anno
defuncti.

Nonnulli etiam ex Sectariis, qui hoc *Inter epist.*
 anno obiire, ingens apud suos no- *Remonstr.*
 men sibi peperere; hos inter primo *p. 549. &*
 loco recensendus venit Sibrandus Lu- *565.*
 bertus Longwordiæ in Frisia natus, *Bel. Diç.*
t. p. 1906.
Hist. Eccles. Tom. LVIII. Z cui

Sæc. XVII. qui Franecqueranus Theologiæ Profef-
 A. C. 1625. for in mores studiosæ juventutis disfo-

lutos severus ac rigidus, pariter in Ar-
 minianos immoderato ardore efferve-
 scebat, ac plus æquo suæ sectæ ad-
 dictus, sæpissime Christianæ modestiæ
 & charitatis terminos excessit: unde
 vicissim ab Episcopo Remonstrantium
 Primipilo valde contemptus, se in Sy-
 nodo Dordracensi turbulentum admo-
 dum exhibuit, teste Balcanquallo, qui
 de eo æque ac de Gomaro hæc alle-
 ruit: *duo in Synodo Viri Sibrandus, &
 Gomarus imprimis ad omnia turbanda, dis-
 sidiisque replenda nati . . . alternas habent
 vices furendi & tumultuandi, non tamen
 magis eos ob furorem accusare possum, quam
 lapidem, eo quod deorsum cadat; ita enim sunt
 a natura comparati &c.* Ceterum Si-
 brandus calamum quoque suum adver-
 sus Bellarmini opera de Scriptura, Ec-
 clesia, Pontifice, & Conciliis acuit,
 necnon Gretserum confutare aggressus
 est: Pariter adversus Socinianos eluce-
 bravit tractatum *de Christo Servatore*,
 Scripsit quoque contra Grotium, Vor-
 stium, Arminium, & Bertium Arminii
 vindicem. Exstat insuper ipsius Anti-
 Bellarminus, quem cum immenso la-
 bore, exiguo tamen honore evulgavit.
 Decessit tandem Franecqueraviæ die
 vigesima prima Januarii. Alter erat
 Abra-

Abrahamus Scultetus Silesita, legiti-
 mus Calvinianæ rabiei hæres, qui Fri-
 derici Palatini Concionator Aulicus
 Pragæ in suis Concionibus petulanter
 in Cæsarem inuestus, novus Iconoclasta
 Sacrarum Imaginum destructionem Fri-
 derico suavit, easque ipse ex Templo
 projecit, huncque sacrilegum furorem
 tanquam rem æquam, ac Christianam
 deprædicavit, non sine ipsorum etiam
 Lutheranorum scandalo, atque amo-
 ris & affectus in novum Regem immi-
 nutione: Præter alia vitia quampluri-
 ma, quæ huic Viro imputantur, haud
 immerito a suis quoque reprehenditur,
 quod plus æquo negotiis aulicis, ra-
 tionesque profanas suis concionibus im-
 miscuerit. Periit tandem Embdæ die
 vigesima quarta Octobris anno ætatis
 suæ sexagesimo tertio: Inter suas lucu-
 brationes præcipue celebrantur illius
 Annales Evangelici & *medulla Patrum*:
 Scripsit etiam ideam Concionum in
 Isaiam, epistolas D. Pauli ad Romanos,
 & Hebræos, ac Psalmos, præter ob-
 servationes in Historiam Christi, plura-
 que alia minoris momenti opuscula.
 Tertius occurrit Joannes Camero Glas-
 covia - Scotus Montalbani Professor,
 qui novas, absurdasque opiniones in-
 vehere intentus, Amyraldianæ sectæ
 primum jecerat lapidem, simulque no-
 varum

Sæc. XVII.
 A. C. 1625.
 Bælius Diss.
 t. 3. p. 269.

Sæc. XVII. varum inter Calvinistas dissensionum
A. C. 1625. auctor extitit: Dum vero Montalbani
 agebat, ac intestinis suorum tumultibus assentire renuebat, ad mortem percussus est: *quis autem credidisset, inquit Bælius, scotum hominem unquam verbera passurum esse pro obedientie defensione*: Obiit paulopost annos natus quadraginta sex: cum autem in Patrum lectione minime versatus esset, sollicitate carent ejusdem *Prælectiones Theologicae*; scripsit etiam *Myrothecium Evangelicum*, miscellanea, pluraque alia.

His addicimus alios minoris fame Scriptores, & quidem. I. Eduardum Chalonæum Jacobi I. & Caroli I. Angliæ Regum Sacellanum, qui tractatus duos sub hoc titulo: *Unde Zizania item Credo Ecclesiam Catholicam* edidit. II. Melchiorem Volcium Augustæ ad S. Annam Præconem, qui non nisi insano furore in Catholicos celebrem se reddidit: scripsit *Furias Jesuiticas contra Gretserum & Vötterum Jesuitas*, necnon tractatum in septimum caput Augustanæ Confessionis, præter responsum ad Marquardi examen Evangelicum. Tertius est, Caspar Waserus, qui contra Indulgentias, Sacerdotium, Purgatorium, Sacras imagines, invocationem Sanctorum, & Papam Romanum libellos scomatibus, & calum-

niis refertos elucubravit: edidit quo- Sæc. XVII.
 que tractatum de erroribus Schwenck- A. C. 1625.
 feldianorum. IV. Joannes Lavaterus,
 qui scripsit tractatum de descensu Christi
 ad inferos, necnon suum *Anti-Socinum*
 V. Hieronymus Moscorovius, Polonus,
 qui die decima nona Julii obiit, ac Pe-
 tritium Lutheranum acriter depexuit:
 edidit quoque *sublationem pudesactionis*
contra Petrum Scargam Jesuitam, præ-
 ter refutationem libri Smigleccii de Ba-
 ptismo &c. VI. Georgius Remus Pa-
 tritius Augustanus, atque Academiæ
 Altorfinæ Procancellarius, qui Norim-
 bergensi Reipublicæ a consiliis, edidit
 dissertationem, in qua putidam esse Fa-
 bulam ostendit, quod Alexander III.
 Papa Friderici Ahenobarbæ Imp. col-
 lum calcarit (*). Scripsit etiam præ-
 ter Themisti Philosophi orationem *pro*
libertate Religionis latine redditam &
 spicilegia in librum Salomonis & in
 Ecclesiasten. Obiit anno ætatis suæ
 sexagesimo quarto.

Z 3

§. CX.

(*) Exstat hæc dissertatio Norimbergæ
 anno 1625. Abrahami Wagenmani literis ex-
 cusa.